

ত্ৰিপুৰা হাফাঙ  
ককথুম তেই হুকুম দাগিখুঙ

\*\*\*\*\*

স-৫৯৭

আগৰতলা, ৮ মে, ২০২৫

ত্ৰিপুৰা জল বোৰ্ডনি পানদাঅ মন্ত্ৰি অকৰা

লুকুৰকন' কীকীৰীক নীঙজাকনায় তীয় রীনাঅ হাসতে

হাফাঙ জুদা জুদা সামুঙবীতাং রমাই সামুঙ তাঙগাই তঙগ'

লুকুৰকন' কীকীৰীক নীঙজাকনায় তীয় রীনাঅ হাসতে হাফাঙ জুদা জুদা সামুঙবীতাং রমাই সামুঙ তাঙগাই তঙগ'। বনি বাৰ্গাই জে আমচায়' তাবুকব' নীঙজাকনায় তীয়নি জীঙজাল নুকজাকখু আর' কদ' খীলায় নীঙজাকনায় তীয়নি সেপ থিতি খীলায় রীনা নাঙনায়। কীচাম পাইপলাইনরকন' সীলায়ী কীতাল পাইপলাইন রীনানি লুউজিমুঙ রমনানি নাঙগ'। থাঙনায় ৭ মেঅ তাঙনক কতরনি কনফাৰেন্স হল' ত্ৰিপুৰা জল বোৰ্ডনি ফিলবা পানদাঅ মন্ত্ৰি অকৰা প্ৰফেসর (ডা.) মানিক সাহা অ কক সাখা। পানদাঅ মন্ত্ৰি অকৰা সাখা, আয়ৰণ রিম্যুভাল প্ল্যাণ্ট তেই ব' ব' জাগাঅ আচুক রিমান আবন' রীগাই নাঙমানি লুউজিমুঙ রমনা নাঙগ' জল বোৰ্ড। মন্ত্ৰি অকৰা সাখা, ফ্ল্যাটৰগ' তীয়নি লাইন রীনাঅ কীকীৰীক গাইডলাইন তঙনানি নাঙগ'। লুকুৰকন' তীয় রীনানি সীকাঙ টেষ্টিঙনি বাৰ্গাই বোৰ্ডন' তেইব' হজাক আঙনানি বাৰ্গাই ককবিতি রীখা মন্ত্ৰি অকৰা। মন্ত্ৰি অকৰা তেইব' সাখা, নীঙজাকনায় তীয়নি লাইন রীনানি বাৰ্গাই কায়সা কীকীৰীক গাইডলাইন সীনামনানি নাঙগ'। আবন' কাৰীইব' মন্ত্ৰি অকৰা ওয়াটাৰ এটিএমরকন' কাহাম খীলায় নায়কানি খীলায়নানি সাকাব' ফানবকসিনখা।

পানদানি পুইলাঅ ত্ৰিপুৰা জল বোৰ্ডনি চিফ এক্সিকিউটিভ অফিসার বিবেক এইচ বি হাসতেঅ বজাক জল বোৰ্ডনি জুদা জুদা সামুঙবীতাংরকনি তাবুকনি মাঙপিলিন' তিসায় ফুনুকখা। ব' জল বোৰ্ডনি চেঙজাক আমরুত ২.০ সামুঙবীতাংনি তাবুকনি তঙহালক, তাবুক আগৰতলানি ১৩টা গ্ৰাউন্ড ওয়াটাৰ ট্ৰিটমেন্ট তেই সার্ফেস ওয়াটাৰ ট্ৰিটমেন্ট প্ল্যাণ্টনি পাওয়ারনি ককথুমন'ব' খুৰসায় তিসাখা। আবন' কাৰীইব' তীয়নি কোয়ালিটি টেষ্টনি রিপোৰ্ট, আগৰতলা আউলিনি নক নগ' নীঙজাকনায় তীয়নি লাইন রীমানি ককথুমনব' খুৰসায় তিসাখা। আবন' রীগাই ব' সাখা, আগৰতলাঅ সেন্ট্ৰাল, সাউথ, নৰ্থ তেই ইষ্ট জোনন' খবাই ২০২৫ বিসিনি মাৰ্চ তাল জৰা ৮৪.৩৭৮ এবা ৬৯.১২% নগ' নীঙজাকনায় তীয়নি লাইন রীজাকখা। আবন' কাৰীইব' স্পেশাল অ্যাসিস্ট্যান্টনি বিসিং ত্ৰিপুৰা জল বোৰ্ড বায় বজাক কুবুন সামুঙবীতাংরকনি ককথুমন' খবাই হাসতেনি জুদা জুদা আউলি আমচায়নি তীয়খররকন' সীনামফিমুঙ তেই নায়থক খীলায়নান' খবাই জল বোৰ্ডনি জুদা জুদা সামুঙ ডানসুকতাঙনি সুকুবজাক ককথুম মন্ত্ৰি অকৰানি বীসকাঙগ' তিসাজাকখা।

মন্ত্ৰি অকৰা প্ৰফেসর (ডা.) মানিক সাহানি তীয়দুলমুঙগ' সঙচাজাক পানদাঅ আগৰতলা পুৰ নিগমনি মেয়র এবা এমএলএ দীপক মজুমদার, নীঙজাকনায় তীয় তেই সাকহাম রাইদা নায়খুঙনি সেক্ৰেটাৰি অভিষেক সিং, ত্ৰিপুৰা জল বোৰ্ডনি চিফ ইঞ্জিনীয়ার রাজীব মজুমদারন' খবাই বোৰ্ডনি কুচুকেমনি তাঙফাঙরক পানদাঅ মানজাক ফায়খা।

\*\*\*\*\*